

**TLANAWUATILO IN IPA IN IMIAKAYO IN TLATLAMAN MASEHUALO IWA IN MASEHUALTILIS  
YEWA IN MASEHUAL ALTEPEME IWA KALPOWALME MEXKOTLALKOTO KUETLAXKOAPA.**  
**TLATOWANI SE**

**SENTETL TLAN  
MOCHIWAS**

Welika kixmatilis, ahachi iwa amo se kin kahkayawas yewa sepan kate masehual altepeme iwan in altepechanehke, mochiwas quenik yewa mowika iwa kenik monawatia itech nimiaktepe ika kualyotika in inmoskaltilis yewa nin tlatalman mochihualo, nin neltokayowa in ixtlamatilis, nin tlatolwa, nin tekio, nin wehkayotl, masehual pahtli iwa nochi tlan onka kanin chanti.

Kuetlaxkoapa kipia mieke tlatalmantli masehualo iwa mieke nin masehual tlahtolme, okin kahtewilihke iwa neltoke in ipan nin masehual "nahuas", "totonacas" o "tutunakuj", "mixtecas" o "ñuu savi", "tepehuas" o "Hamahispini", "Otomíes" o "Hñähñü", "popolocas" o "N guiva" y "Mazatacas" o "Ha shuta enima", yewa omotlalike itech mexko tlalkoto tlalpa yiwehkika, ye to tlalpa okalakiko kixtianohti iwa sekintzi Kon nemilia nin wehkayotl wikilis, ken tekipanowa tlatalmantli iwa kenik mowika.

Ye nimiaxka yen ni tlanahuatilo kimatok kate masehual altepeme iwa kalpowalme kichiwaske sehse oyeh miekti, itech ni satepa mochiwaske melahka, kichiwaske nin tlaka tlanahuatilme oyeh akinme kinyekana. Ihkuak mochihuas tlani omoihto in ipa masehual altepeme iwa kalpowalme, yewa chikawake, mochihualo iwa melahka tekitl noihtok huey altepeme tlanahuatihke kimatiske:

a) kixmatiliske, kipalewiske iwa kiwelkakiske kenik mowika, nin pahtati yen tlatalman mochihualo, ye tlen teotlaneltokalo iwa nimin tonal yen Kate in imialtepewa iwa momatis yen tlani kiyolkokowa tlen okin tlapiwihke kenik mietlakame o ye sehsen tlakatl.

b) mokonanas, ika nin palewilis yewa altepeme ihko kineki, ika yejo tekitl mochiwas kuallli palewilis inipa nimialtepeme ihkuak kiyehyekoske yenuike ik mowikaske iwa kenik tekipanoske; iwa

c) kimixmatiliske yewa ik kenik moyekwika sentetl moyekwikaske ika ni axtopa yen tlanahuatilme, mo welkakiske itech in imaxka, mowellkakiske ye sehse nimiaxka iwa tlen oksekime imiaxka.

### **TLATOWANI OME**

**YEN IMIAKXA  
YEHUA MASEHUAL  
ALTEPEMЕ IWA  
KALPOWALME.**

Ye ni tlanahuatilo kimixmatilis iwa kin palewia yewa yi wehkayotl tlanawatike in ipa masehual altepeme, okitlalihke ika nin semikhak kichihiwitse, welika kikakiske yen in tlayehyekol kualli iwa nochti mokalakiske ziwame iwa telpochti.

Yewa masehual altepeme iwa kalpowalme, ika nin tlakachanehke kipia in kichiwaske ika nin tekiwakame sa melahka amo aka mamokalaki ihkuak itla kitlatlaniske, tekitl tlapowalistli un ipa tekiwakame.

Kualli yeske, kahkatoske ika kualyoltika kenik altepeme tlatlamanme iwa yeske ika pakilistli amo kiseliske yen amo kualli nech tlaka ihta, kualahnita, amo nech tlal patlaske, amo kin xeloske masehual takome iwa chikome in intatawa iwa yen nin kalpowalme.

Manin wehkayotl tlahltolwa amo poliwka.

Moyekwikaske kenik kualli tlakame miektitoske iwa tik manawiske nin tlahtolwa, nin wehkayotl, nin mochihuado, nin semikhak kichihiwitse, nin tlakemil, nin tlatzotzonal, nin mihtotilo, nin tlaneltokalo, nin wehkayo ilwitzlme iwa tlan nochti tlatlaman mochihuado iwa ni chanti.

Kimin mololowa kenik mowika kenik mowika itech imialtepe iwa San kani, iwa yewa kate, iwa amo itla kimpanos in ipa nin moskaltilos, noihtok in kalpowal kualanilis, semikhak ninme tekilme amo kimitlakos ni tlakame imiaxkayo.

Amo mochiwas San tlani ik kin kixtiske masehual tlakame tlen kani chanti.

### **TLATOWANI EYI**

**YEWA ZIWAME,  
TELPOKAME IWA  
NOCHTI MASEHUAL  
CHOKOME.**

Yen tlalkoto tech makas tlahtol matilistli, ye ketimachtilis, ye nochti kimatiske iwa tlapowalistli, ihkoni yewa masehual altepeme iwa kalpowalme konanaske tlan kin paktia ik mosetiliske yewa ziwame un ipa tekitlanawatil, ketipanoli, wikilis tlatlaman mochihuado in ipa.

### **TLATOWANI NAHUI**

#### **IN KUALI KAHKATOSKE IPA IN TLANKINEKISKE**

Yewa masehual altepeme iwa kalpowalme kipia nimiaxka, kuali mowikaske yen kihtoske Ken itla kichiwaske in kenik kate, kenik mololowa iwa kemin tekipanoske ik kahsiske nin moskaltilis, iwa itech tlanahuatil iwa mamochiwa ma kimixmatilika nin kenik mowika nin chanehke iwa nin tlatlaman mochihualo.

### **TLATOWANI MAKUILLI**

#### **YEN TLATLAMAN**

Kipia nimiaxka kuali mowika: noihtok welika kiwikaske manawis nin wehkayotl semihkak kichihiwitse.

#### **MOCHIHUALO IWA**

Yen huey tlanahuati mexkotlalkoto noihtok yewa huey altepeme tlanahuatike kimpalewis in masehual altepeme iwa kalpowalme ika kin mokuitlawis, kin palewiske in ipa moskaltiske inin motaske nin tlatlaman mochihualo in axka.

- Semihkak yeske itech nin wehkayotl tlatlaman mochihualo in kahkatoske, kuali wikilis iwa kuali yeske kenik masehual mochihualo tlatlamanme no iwa moskaltiske nimiaxka incha.
- Kichikawaske, mochiwaske, moskaltiske iwa ki xitiniske in ipa yenkuike masehualme iwa yewa yiki witse in ipa ixtlamatilo kenik Ka iwa kenik mokawas, nin wehkayotl panowilis, nin tlahtolwa, nin tekio, nin wehkayo tlahtolme, kenik kiyeyekowa un tlaltikpak, tlatlaman ihkuilol iwa caultzi tlahtolme.

Ye mexkotlalkoto iwa huey altepeme kichiwaske, moyekchiwas ye ahsitok ixtlamatilo kin yehyekos tlen kipia in ipa nochti nin tlatlaman mochihualo tlen kin kawilia kichiwaske se ixtlamatilo kate miekti tlakame kualli ololisme, ihtik kate yen yen wehkayotl masehual tlatlaman mochihualo.

Ye ixtlamatilo welika kahki, momakas itech masehual altepeme yen mexkotlalkoto kuetlaxkoapa, yetos ome tlahtol iwa kipia nochti in tlatlaman mochihualo makitekawilika kichiwaske ihko mopias sen ixtlamatil yen onka miekti ololisme kualli wikilis ihtik kate yewa masehual wehkayotl tlatlaman mochihualo.

Ye welika ixtlamatilo yen motemakas ompa in masehual altepeme ye mexkotlalkoto kuetlaxkoapa yetos ome tlahtol iwa kipia nochti in tlatlaman mochihualo.

### **TLATOWANI CHIKUASE**

#### **MASEHUAL INTEKIO IN**

Ye chikahuak tlanahuatil yen mexkotlalkoto iwa huey altepeme, kintlaliske

#### **IPA TLAYEHYEKOL IN**

kenik motekipanos ihko welika mochiwas in tekio yewa masehual altepeme iwa

#### **MOSKALTILIS**

kalpowalme in ipa in yehyekolis kenik moskaltis yen mexkotlalkoto iwa huey

#### **MEXKOTLALKOTO IWA**

altepetyl ihko itech ni motlaliske in tlan kineki iwa axto moneki ihko kualli

#### **HUEY ALTEPETL**

mochihuas tekitl ihko kualli yeske inipan tlan kipolowa kenik tlacualistli, amo

kokolisyo, mo patiliske, kani yek tlakuaske iwa yek chantiske iwa okitlahme.

### TLATOWANI CHIKOME

#### **YEN TLANI ONKA KANIN CHANTI**

Yewa masehual altepeme in palewilis tlen mieke tekiwakame, kitlaliske tlan welika tekitl in.

Motlahtos, mo malwis, mo palewia, yek mochiwas, mo patlas, moyeknehnekis ipatilis yen nochi kilotlatok; kipiaske nimiaxkayo ipan tlan kipia pakiske in tlan nochi kipia itech nimialtepe yen tlen nochi cualtzi onka kanin nin tlala.

### TLATOWANI CHICUEYI

#### **IPAN IN PALEWILIS IN IMAXKA TEKITL NOCHTI MASEHUALME.**

Nochti yewa akinme kitemaka tekitl monota tekiwatekitl iwa San aka tetlakewa kipiaske kualli kitaske yen nimiaxkayo in tekitl sanaki motekitemos kimakaske tekitl.

### TLATOWANI CHIK NAHUI

#### **MASEHUAL PALEWILISTLI**

Yewa tekiwakame mexkotlalkotonme iwa wehwey altepeme welika kiwelkakiske yen nochi tlan mochiwas in inpalewilis inpa in kualanilis ihko kualli mowikaske ihtik yewa masehual altepeme iwa kalpowalme; kenik yewa mowika ihkuak moteixpantia iwa ipan nin tlayehyekolis welika kinkakiske yewa tekiwa palewlistli yen mexkotlalkoto, semihkak mayeto iwa amo aka amo kiwelkakis un ipa nimiaxkayo.

### TLATOWANI MATLAKTLI

#### **KIMITASKE KOKOLISKUISKE**

**AMO** Altepechanehke masehual altepeme iwa kalpowalme kipia nimiaxka kimpalewiske yen amo kokoliskuiske, yen mexkotlalkoto kipia Ken kualli mochiwas ika amo kipias kokolistli iwa kimpalewiske nochti.

### TLATOWANI MATLAKTLI IWA SE

#### **YE OLOLISTLI TEKIWA OKITLALI IN PALEWIS MASEHUALME.**

Yewa huey altepeme kani chanti masehualme welika kipias sen ololilis tlakame in ipa in masehual tekitl, iwa kitlaliske oksekime tlaka ololisme, kipia kimitaske.

### TLATOWANI MATLAKTLI IWA OME

#### **IXTLAMATIKAL MEXKOTLALKOTO YEWA MASEHUAL ALTEPEME**

### XELOLI SE

#### **TLANI ITEKIW IWA TLAN KICHIWAS YEN IXTLAMATILO KUETLAXKOAPA TLEN MASEHUAL ALTEPEME.**

Tlen ixtlamatikal kuetlaxkoapa masehual altepeme, ye se ololistli tlen tinochti tech ihta, akin nochti kinpalewes imaxka, amo aka kin kixtilis in tlanahuatil, kenik yaske, tekitl ixtlama, kech kisas ipati kenik kichiwaske, welika mowikas ompa huey xolalpa kuetlaxkoapa. Yen tlanahuati in in tekio kuali mochiwas in ipa masehual altepeme iwa tlilmexikame, tlen kipia ken mochihuas, Ken moyektlalis, ken mokawas, ken mochihuas, moyehyekos, kenin yaske, moixmatis, mo wikas iwa mothas, Ken omochi, ken mochihuas, keniki kichiwaske, tinochti tikchiwaske, kualli mochihuas tlen tekitl iwa welika mothas

tlen imiaxkayo masehual altepeme iwa tlilmexikame, noihtok kenik moskaltiske iwa nin chikawalis ik miekti tlatlaman mochihualo no iwa inchanehke.

Tlen ixtlamatikal, welika kichiwas kenik kihtohtok nika:

I. Welkaki, tlachias, iwa moixmatis yen yetoke mieke masehualti, mieke tlatlaman mochihualo iwa miekti tlahtolme yen mexkotlalkoto, noihtok nin tlatlaman mochihualo, nochti oksekime iwa itlayehywkol iwa itomi;

II. Kualli moyekchiwas tlen kimixmatiliske iwa kiwelkakiske in imiaxkayo kualli kemi yewa kihtowa masehual altepeme iwa kenik nimiaxkayo inawatilo.

III. Mo xitinis kenik mowikaske nochti tlatlaman masehual altepeme kate itech ni mexkotlalkoto kuetlaxkoapa, noihtok machiwas yen amo kualli kintlaka ihta moyektlalis se tlaka ololilistli ihtik yeske, kualli mothas ye nochti kipia tlatlaman mochihualo, kixicos iwa kiwelkakis onkate mieke altepeme iwa tlatlaman mochihualo.

IV. Kuali moyekchiwas iwa moixmatis setilitoske, kemin nochti kipia tlatlaman mochihualo ipan nin tlayehyekol nin tekiohwa iwa ken kiwika mexkotlalkoto.

V. Moyekwikas ik moskaltis ik motamachiwas ik kinehnektiaske yen nochti itex incha onka noso nochti tlalme iwa huehhuey masehual tlalme.

VI. Itech yetos ye nochti iwa sanaki tlakame iwa ziwame moselin in tlayehyekol, itech tlamochihuas ompa kan kiwika nin tekitl mexkotlalkoto ihko moixmatis tlanin in tekiw, tlan imiaxka, tlan kichiwaske, yehua masehual ziwame iwa tlen tlilmexikame.

VII. Kualli moyekchiwas yen nimiaxka in tlahtlanilis iwa in nekilis yen kimateke mochiwas ini masehual altepeme iwa kalpowalme iwa tlilmexcotlakame, semihkak ye huey tlanahuati mexkotlalkoto kihtos tla mopatlas o ye moyektlalis se tlanahuatilo, o ye okse tekiwa tekitl ye tech kokoltis.

VIII. Kuali moyekchiwas moixmatis onka mieke tlanahuatilme yen tech nawatia tiktehyekoske kenik kate masehual altepeme se kitas kenomi opehke opeh monawatia.

Yen ixtlamatikal kipia ken kichiwas te nika tikitowa:

I. Ken mochiwas yen melahka tlanahuatilo yewa kitemakaske.

Tikinwikaske iwa kenik onanaske nin tlayehyekol ken kiwikaske yewa masehual altepeme iwa tlilmexikame.

II. Moselis iwa moyehyekos, kenik mochiwas iwa kenik okiske yewa tlani omoihto, kenomi ik kichiwa nin tlayehyekol yewa tlanahuati tekiwhapanoke iwa akinme kiwika tekiwa tekitl mexkotlalkoto.

III. Moixmatis, kiwelkakis, mopalewis iwa mochiwas ye ixtlamatilo huey iwa mowika yen imaxka ye masehualme altepeme iwa tlilmexikame.

IV. Moixmatis, mochikawas iwa kualli mowikas iwa kakahoske Ken tlanik monawatiske kemi yiwekika nin nekilis yewa masehual altepeme tlilmexikame.

V. kichikawaske tekitl kiyehyekoske kenik mochiwas, kenik motlaliske yewa tlaka ololisme intekiyeylekol, kenomi mochiwas in yenuik tekitl kampa nextoske yewa masehual altepeme iwa tlilmexikame.

VI. Kihtoske iwa moixmatische tlani monehnekis ik kualli tekitl, ihko amo kin kahkayawaske tlan imiaxka yewa masehual altepeme iwa tlilmexikame.

VII. Mochiwas, yewa kitoske kenik mochiwas iwa moixmatis tlani okiyehyekohke ik mopatlas mieke tlanahuatilme, kualli mochiwas yen tlanawuatil tekitl ye monehnekis, ihko momakas in nextilo in iaxkayo yewa masehual altepeme iwa tlilmexikame.

VIII. moyehyekos iwa mochiwas ika in palewilis yewa masehual altepeme iwa tlilmexikame, tlani moneki mochihuas ik mo chiwas moneki tlachias ijko kimatiske kenik mopalewiske, kenik kixitiniske yen imaxka ninme altepeme.

IX. Kualli moyekchiwas iwa moxitinis noihtok moyehyekos kenik motekipanos ik kimatiniske ni axkayo iwa kenik yekyetoske yewa masehual ziwame iwa tlilmexikame.

X. Moixmatis, mopialis, mopalewiske iwa mokakiste masehual tlilmexikame, takome, chokome iwa telpokame, tlaka huehuey tlaka amo ahsitoke, tlakame tlen tlatlaman imincha iwa tlatlaman motlakawelita noihtok ziwame iwa tlakame, kemi sanaki oksekime amo chikawake tlakame o yewa itla amo kualli okichihke o yewa kin mamaga amo kualli kintlaka ihta.

XI. Moixmatis tlan monekis ihko kimixmatiliske iwa kinwelkakiske ika nimiaxkayo yewa masehual chanehke iwa tlilmexikame nehnenke, kemin tlen mexkotlalpa chanti kemin tlen chanti sentlapalatl.

XII. Moixmatis, mopialis, mopalewiske, moyeckakiske in tekipanol yewa nimiaxka masehual altepeme iwa tlilmexikame iwa motlalis.

Yewa itlayehyekol, un tekipanol, ihko moskaltiske.

XIII. Mopalewiske iwa mowikaske, iwa tekiwa tekipanohke, ihko yetoske yewa masehual altepeme iwa chanehke itech mexkotlalkoto tlanahuatketl.

XIV. Moixmatis iwa motopewas iwa tekiwa tekipanohke, tlahtoske tlan kiyeyekowa yewa masehual altepeme iwa tlilmexikame san kani

monekis in mexkotlalkoto, ihko kemin yaske kipia in welika kimpehpenas akinme yeske intlanahuatil o yewa akinme kinyekanaske.

XV. Mopalewiske tekime ik moixmatiske, kinmalwiske iwa kimpalewiske amo moihtlakoske in tekitlalme, in tlalpa, tlan kipia iwa tlan tlaki itech in nimialtepe.

XVI. Moixmatis iwa mochiwas ken motekipanos, ika in palewilis yewa tekiwa tlakame, yen masehual altepeme iwa tlilmexikame kinmalwiske iwa kimpalewiske yen nimiaxka kanin chanti iwa kani tlan kilotlatoke ninme altepeme.

XVII. Moyekwikaske, moyektlaliske iwa moyehyekoske ika inpalewilis yewa tekiwa tekipanohke, in ipa nin tlalkualanilis, tekitlalme, tlakachanehke iwa ikse tlamantli ompa masehual iwa tlilmexikame tlapapanme ye mexkotlalkoto.

VIII. Teki mothilis kox ihtok otekipanohke tekiwakhkame, in ipa tlani omoiho, in mochihualo iwa tekiwa tlaka tekipanohke, in setilis in iwa yewa tekiwakapa kimati, ye kihtoske kenik kualli moyekchiwas, kenik mopalewiske, kenik motlaliske yewa nimiaxkayo, in ipa nin sentetl moskaltilis in nochti kipia tlatlaman mochihualo kipia ipati ninme altepeme.

XIX. mochiwas iwa moxitinis iwa monemaxtis tlani omomatki in tlamatilis in ipa masehual altepeme iwa tlilmexikame noihtok amo poliwiske tlan nimiaxkayo kenin nin tlatlaman mochihualo iwa nin tzonteko ixtlamati yewa ninme altepeme.

XX. Míos iwa mochikawaske yewa tekitl ipa moyehyectlalis iwa in moskaltilis ika in tlatlaman mochihualo iwa in chanti yewa ninme altepeme.

XXI. Moyehyekos, motlatlanis, moyektlalis, mo xitinis iwa mochikawaske tlan moneki ik momakas ik mokuitlawiske ik moyektlalis, ik mopatlawas yen nochti tlan moneki itech nimialtepe kenik kan momaxtiske, kan mitotiske, kan mo ololiske, tiopa, kan mopatiske noihtok huey ohtli.

Kalme, apanolme, tlil mekayome, chipawak atl, atl zoquio kisani, amo kokolisyo iwa nochti tlan monehnekis ik kualli yeske iwa kin kopiloske in tlalwa yewa masehual altepeme iwa tlilmexikame, noihtok mochikawas kenik monawatia, kenik mowika iwa kenik tekipanowa.

XXII. Mopalewiske, momaxtiske iwa moyekanaske yewa tekiwakame iwa nin tlakayekanke un yewa masehual altepeme iwa tlilmexikame

iwa nin chanehke, ihkuak kinekiske makin yek machtika ipan imaxka welis ye se oyek nochti.

XXIII. yetos tlaka ololilis ixtlama ipan tekitl axto tlatlanilis kualyoltika iwa amo xolopikayotl, tikmatoke, semihkak ihkuak motaske kualyoltika tla kemi itla tekitlanahuatil amo ihtok iwa kin tequipachoktis nin axkayo ninme altepeme.

XXIV. Moixtlamatis iwa mo palewis tlen tlan panowa itech masehual altepetl iwa tlilmexikame, no yewa mexkotlalkoto kalixtlama, noihtok yewa huey altepeme iwa ololisme yewa in selti kitlatlaniske.

XXV. Moyehyekoske, kichiwaske, tekipanoske iwa kitaske kox kualli tekitl yawi, yen okiyehyekohke ik tekipanoske in ipa moskaltilis ahsitok ye tlatlaman mochihualo iwa in impati yewa masehual altepeme iwa tlilmexikame.

XXVI. kichikawaske, kitlatlaniske, itech motopewaske, mowikas tekitl iwa mothas kox kualli yawi ika in palewlis iwan yewa kimpaktia, tlan tekitl mochiwas in ipa in tlalpa moskaltilis nochti masehual altepeme.

XXVII. Mopalewiske, motopewaske, mochikawaske kenik kitlaniske tomi in chanehke iwa itech nin tekiw temakan yewa masehual altepeme iwa kalpowalme iwa tlilmexikame, motemoske tlani mochiwas ik kipiaske tomi, motemoske motlaliske kaltekioke, mopepechoske ni mi ixtlamatilis ihkoni moweitilis nin tekipanol tomi, noihtok motemos amo ika mafkeyotl kalakiske itechk tiankisti, kani tlanemakaske iwa kani kin tlanetiske tomi.

XXVIII. Mopalewiske iwa motopewaske in iwa yewa tekiwakame iwa yen sesekame, ye tlaka kal tekiwa tekipanohke mexkotlalkoto imak, ye yiwekayotl tekitlali iwa tlani welika motokas iwa ni melahka ye kenik motoka Milli, ihko welis tikahsiske ye amo tik poloske, semihkak tikpiaske ye melahka tlacualilis.

XXIX. Tlayehyekoske, kipixtoske in tlahtol iwa ipan yeske kani kate ololisme

Mololoske iwa tekiwa panoke nochti tlen tlaltikpak chanti in ipan yetoke tlen ixtlamatilo.

XXX. Ahachi mochitias ye in melahka ni tekimachtilis ik nochti tlan moneki in ipa masehual altepeme iwa tlilmexikame.

XXXI. Motlaliske, motlapowiske kenik omokahke iwa mopalewiske iwa mowikaske tlani mochiwas nochti tlani omotlalike mochihuas iwa nochti tekitl mosetilis in ipa masehual altepeme iwa tlilmexikame.

XXXII. Mosetilis nochin tekitl iwa akinme mololowa iwa noihtok san kana kesk, iwa motekipanos yewa masehual altepeme iwa tlilmexikame ihko kualli kitaske ye nipa tekitl mochihtok in ipa kualli yeske nochti ninme altepeme.

XXXIII. Motlaliske tlahtolme ik mololoske akinme tekipanoske itech tlahtol xitinis iwa powtekitl ipan masehual altepeme iwa tlilmexikame.

XXXIV. Nochti ipan ti tekipanoske ye tekimochiwas yen tomi monehnekis, yen tomo kisas iwa kinmakaske yewa masehual altepeme iwa tlilmexikame.

XXXV. Motlatlanis iwa mochiwas, kitokatoske iwa kitaske kosh kualli yawi yen tomi moixmatis kuali moyekchiwas yen ixmatilis ye welika mokawas yen imaxka iwa moskaltilis kualli, itech in tlatlaman mochihualo ipatiyo yewa masehual altepeme iwa tlilmexikame.

XXXVI. Kimilwiske ken kichiwaske ihko kualli mochihuas tekitl iwa kihtoske kenik monehneki tomi tlen tomi okiselihke tlen masehual altepeme iwa tlilmexikame.

XXXVII. Welika kin wikiliske tomi yewa masehual altepeme kalpowalme iwa huey altepeme, in ipa nik nin tekiwahkawa iwa yewan tekiwatekipanohke tlen yewa okintlalike ihko kualli kisas nimiaxkayo nin moskaltilis kualli in tlatlaman mochihualo iwa nipahpati.

XXXVIII. Mochiwaske kalme kani kisas takitlanawatilo ihko mopalewiske masehual chanehke iwa masehual altepeme iwa tlalpan altepeme, yewa kimelawaske iwa kichiwaske nochi tekitl tlen monehneki in ipa mopalewiske yen tlenimiaxka.

XXXIX. Moixmatis iwa mokonanas, mopalewiske ik momanahuis iwa moxitintias tlen yenkuike chanehke nin wehkayotl tlatlaman mochihualo inteyo iwa amo teyo, nimixtlamatilo nin wehkayotl matilis iwa tlan nochi yewa kimat iwa tlatlaman mochihualo.

XL. Moixmatis, mokonanas iwa kualli moyekchiwas in tlatamachil.

Monehnekiske ik mokuitlawiske, kimpalewiske kin kintlaizkaltiliske in ixtlamatil imaxka, yewa nin selti o yewa miekti, nin tlatlaman mochihualo imaxka, nimixtlamatilis wehkayotl mochitiwitz iwa kenik nin yolkilik tlatlaman mochihualo yiwekika.

XLI. Mochiwas tlan yewa kineki ika tekitl ihko momanahuiske, mopiaskes, momachtiske mochikawaske iwa moyek manawiske yewa masehual tlahtolme yen ni mexkotlalkoto, kualli mochihuaske nin tekio, nin kopatlatlahtol iwa kenik okihtilihke.

XLII. Nochti kimatiske iwa motlalis ye masehual ixtlamatilo san noch iwa tlatlaman ixtlamatilme, noihko ipan tekipanoske iwa quichiwaske amatlamaxtilis ihko kualli momachtiske, kipias tlan kinehnekiske kani momachtiske yewa masehual altepeme, moneki mochikawaske yewa nin tlatlaman mochihualo wewetlahtolme, wehkika chantli, cal ixtlamatilis iwa noch ikenik mowika ninme altepeme.

XLIII. Motlaposke kalme kani mopalewiske iwa mopalewiske ihko kipiaske nin tlatlaman mochihualo yewa masehual chokome, takome, telpokame iwa tlilmexikame.

XLIV. Moixmatis iwa mokuitlawis, mochikawas yen tekitl tlen wehkika mopatiwitse yewa masehual altepeme.

XLV. Moixmatis ik motopewaske in ipa kal pahtli temakani ompa yaske yewa masehual altepeme iwa tlilmexikame, ihko ken nochti in pilwa kin kipatike kemi yewa mopatia yiwekika, intlahtol tlakame iwa ziwame iwa amo kin tlawel ihtaske.

XLVI. Mopalewiske iwa mochiwas ihko makimatika tlen yewa kitemaka wehkayo patli iwa in tlatlaman kokolistli.

XLVII. Mopalewiske yewa masehual altepeme, ik weliske kitlatlaniske iwa kipiaske, kin oliniske iwa kiyekchiwaske, kualli kixexeloske nin tomi iwa kipiaske nin tepostlatoani, tepos wehka tlachiani, moxitinis nin tlatlaman mochihualo iwa nin tlahtolwa, ihko welis kinseliske oksekime tlaka yewa amo masehualti makintlapowika.

XLVIII. Tekipanol iwa kaltlanawatiani ye saihtok tekipanoske tlakame iwa ziwame, iwa tekipanoske tekiwakame mexkotlalkotonme iwa huey altepeme ihko amo yetos kuanalistli iwa amo kintlatlawelitaske iwa amo kin magaske yewa masehual, ziwame, takome iwa tlilmexikame.

XLIX. Motekipanos iwa yewa tekiwakame imapa in

Ik motemos kenik kiwelkakis yen imiaxka chanehke iwa in tlatlaman mochihualo yewa masehual altepeme iwa tlilmexikame.

L. Mopehpenas iwa motlatlanis mopalewiske Ometlahtol kopa, ihko mopalewiske nochti altepechanehke kate ompa masehual altepeme, tlahiko kitlatlani, in ipa mopalewis nipan nimiaxkayo o ye okse tlamantli ixpa mexkocentetl tekiwakame, mexkotlalkotonme iwa huehhuey altepeme.

LI. Tinkiyehykoltiske ma kitemoka tlan ihkuiloli kipiaske kenik kinemakaske nin tlkilowa ik mopalewiske.

LII. Mopalewiske ik kinkakiske iwa kin nankiliske yen tlan ki tlahtlani ika nin tlahtol matis tekipacholme iwa tlanik mochiwas in ipa in tla san nochi tekitl yen imapa, kisaske ompa ye tlalpan tekipanol tlaka okintlalike in niaxkayo tlakame yen mexkotlalkoto.

LIII. Tikimpalewiske kenik momelawaske ken kipahpati makaske nin tekiw yewa tlahtol kopa kakini iwa tlahtolkopame in ipa masehual tlahtolme mexko sentetl iwa ika castilla.

LIV. Nochti tekipanoske ik kualli itla moyekchiwas yen tekiwaka tekipanoke kimixmati kemi masehual chanehke, ompa kipiaske se tlaka kimati tlahtol kopas ika nin masehual tlahtolme.

Yen kal ixtlamatilo kiyektlalis iwa tekipanos in ipa tlatlanilistli iwa mochiwalis ye masehualti, ompa motlaliske kenik tekipanoske kenik quichiwaske tekitl ik moxitinis imiaxkayo iwa in tekipanolis yewa tekiwakame akinme kinyekana ye ixtlamatil kalme kate itech masehual altepeme kalpowalme iwa tlilmexikame in ipa in yehyekolis nin tekipanol iwa intlamachiwal tekitl yen itekiw huey tekitl mexkotlalkoto yen in moskaltlis iwa san tlan nochi tekitl mochiwas in moskaltlis, noihtok kimatiske iwa motlalis kipia nimiaxkayo.

Yen ixtlamatilo kipia kin welkakis tlan kichiwaske in ipa nin yehyekolis in tekiw iwa kenik kichiwaske yen ni ololilis sesekni altepetl iwa kalpowalme kipias ik kenik moyehyekolis in ipa mieke tekiwa tekitlapalewiani.

### XELOLI OME

<b>YEWA OLOLISME IK</b>	Ye kal ixtlamatilo kipias ninme ololisme:
<b>TEKIO YE KAL</b>	I. Se kipias sekime tekiwa tlakame kenik tlanawatiske;
<b>IXTLAMATIKALI</b>	II. Sen kal tlayekanki yen kiwikas nochin tekitl.
<b>KUETLAXKOAPA</b>	III. Se ololis tlakame ixtlatke ye mexkotlalkoto in ipa masehual altepeme, kenik ololilis tlakame tekichike, in ipa tlatlanilistli iwa mowikaske ika yewa masehual altepeme iwa tlilmexikame, iwa
<b>MASEHUAL ALTEPEME</b>	

IV. Yewa kaltekiwa kin nawatis yen kal ixtlamatilis tlayekanki kenik tlakatekichihihe tlapapanme noik huey altepeme, san kani monehnekiske.

Yek kal ixtlamatilo kipias akinme kiwikaske yejo tekitl welika mochiwas ipan nochti kal tekiwakanme sentel itech mexkotlalkoto, yewa chikawalisme mexkotlalkotonme iwa ololisme inewia monawatia, noihtok ipan tekitl mochiwas in ipa imiaxka yewa masehual altepeme iwa tlilmexikame, inselti tekipanoske yewa kihtoske kenik inewia monawatiske.

Ye ololilis tlaka tekiwakame yeske in:

- I. Se tlakatl o ye ziwatl yetos in tlayekan nawati, te yetos kenik ye tlanahuatikatl mexkotlalkoto;
- II. Sen tlakatl o ye se ziwatl yetos tlanawati kitlalis te tekiwa mexkotlalkoto;
- III. Kimpalewiske yewa tlayekanke nimne tekime kate itech kal tlanawatikatl.
  - a) kal tlanawatikatl
  - b) kal tlanawatikatl yewa kihtoske kenik mochiwas tekitl iwa kech kisas;
  - c) ye kal tlanahuatikatl alteme moskaltillis;
  - d) ye kal tlanahuatikatl chikawak;
  - e) ye kal tlanawatikal ixtlamatki;
  - f) ye kal tlanahuatikatl tlen nochti tlan tech ilotlatok, tlamoskaltillis amitla polewis iwa moyekwikaske itech nin tlalwa.
  - g) ye kal tlanahuatikatl kualli yetok;
  - h) ye kal tlanahuatikatl San aki kuali yetok;
  - i) ye kal tlanahuatikatl paxialolistli;
  - j) ye kal tlanahuatikatl kan tomin pía;
  - k) ye kal tlanahuatikatl san tlehtlenamo mokalchiwas, iwa
  - L) ye kal tlanahuatikatl tlen tekiohke.

IV. Sen tlayekanki kisas itech tekiwakapa mexkotlalkoto masehual altepetl.

Yen tla aka okitlalihihe kinyekanas tlakatekipanohke yewa masehual altepeme kate itech huey ololilistli tekiwakapa yetos ompa.

Ika yaxka tlahtol, ye amo welis tlapehpenas.

Yen ololilis tekiwa kitlalis se ixtlama tlakuilowani.

Ye akin tlaka o ziwa tlanahuati, tln okitlali huey tlanahuati, welis kin notzas kani motlapowiske yewa tlaka tlaka tlanahuatike, noihtok kin notzas yewa tlayekanke kate itech chan kalme mexkosentetl, mexkotlalkotonme, noihtok huey altepeme, noihtok yewa ololisme amo tekiwatekiroke moyekwikaske iwa welis tlapowaske ika intlahtol.

Yewa ololisme kin notzas yen ixtlama tlakuilowani, ma amo pano makuilli tonalli ihkuak ninme ololisme mochiwaske yi tonalkate, iwa se powalli iwa nahui tonal imatzi ihkuak mochiwaske ololisme San kuinal kiwikaske in amatekitl tlen yeko tonali okihtohke.

Ye tekiwa ololilis kipias tlen kichiwas tekitl kuikuinal tlamo walis mieke mamochiwaka ipan se xiwitl nahui iwa yen ohpa kuikuinal ihkuak kinekis nin tlayekanki, tlamo yewa ihkuak kinekiske maski san eyi yewa in tekichihtoke.

Ye tekiwa ololilis kichiwas nitwkiw amo ika neltokilistli maski yeske san tlahko yewa tekipanohke, tlan tekitl mochiwas kihtoske powi nochti weliske yen otla pehpenke tlen akinme ompa kate, tlasepan mokawaske nin tlayekanki kitemakas ni tlapehpenal.

Ye tekiwa ololilis kipias nin tekitl kichiwas:

I. Kihtos kosh kualli mowikas tlen tomi imak yetos yen kal ixtlamatka iwa ye ni tekikichiwas ipa se xiwitl ye okiyeheyko nin tlayekanki.

II, kihtos tla axto mochiwas iwa tlan kichiwas ye kal ixtlamatilo;

III. Semihkak tlachixtos iwa kitemakas tlayehyekol kenik mochiwaske tikime ik tlan moneki kenik mochiwaske tekime iwa yewa kaltlanawatikame ipan kate makichiwaka in ipa inexkoya masehual altepeme iwa tlilmexikame noihtok ken mowikas moyek itas cosh neli kualli motekipanos;

IV. Kualli mochiwas iwa mo ihtos iwa kenik moneki ik mochiwas in tekiw kenik omotlapowike iwa kenik omohkahke ik mopalewiske, akiniwa iwa kenik ahsitiwi kan kate kal tlanahuatilme ye keni tekipanowa sentetl chanehke yen mexkotlalkoto, ikuak oksekime mexkotlalkotonme chikawake, yewa ololisme ik monawatia yewa tekiwame tlen Kate itech huey altepeme iwa oksekime ololisme altepechanehke iwa amo tekiwa tekioke noihtok yewa ololisme.

Ne sentlapalatl Kate, kani nestoske kate yewa masehual altepeme iwa tlilmexikame;

V. welika sekihtos kualli ka maski amo mokalakis ye kal tlanahuatikatl yewa kihtoske kenik mochiwas tekitl iwa kech kisas, tlani moyektlalis itech tlan tomi monehnekis un ipa tlan tekitl mochiwaske yen kihtos kal tlanahuatilo yen amo tech ixtlakolis yen leche tomi monehnekis kani owala yejo tomi, aki kitemakas tomi niwan motlaxtlawas o satepa noihtok amo omochi tlani mochiwaskia iwa tlani ipa omoihto;

VI. Kithoske kenik monehnekis tlen tomi omotemakak iwa tlani kichiwaske tla sekin tomi mokawas;

VII. Kitekawiliske kinik moxitinis, kikakiske tlan kihtos tlayekanki tla miek tomi onka o ye okseki on yes tomi monehnekis yen kihtos tlanahuati mexkotlalkoto ik kisaya tomi in ipa momatis iwa motlalis yewa nimiakayo noihtok itepe moskaltis yewa masehual altepeme kalpowalme iwa tlilmexikame.

VIII. Moselis yen tlan kihtos yen tlayekanki ixtlama kal yen kenik mowika tomi, amo motilanás yejo tomi ik okitla mochiwas.

IX. Moselis tlan kihtoske ik motamachitias tomi akinme kipia iwa ni kihtos kech motilanás ik tlani motlaxtlawas kosh miek o ye amo miek.

Yen tlaka o ziwa tlayekanki iwa ixtlamatikal welika kitlalis sen teki ololilis tlaka kinik kihtoske huey tekiwakame mexkotlalkoto.

Yen tlaka o ziwatlayekanki welika chantitos itech se masehual altepetl, o ye tlilmexikatl iwa welika tlahtos se masehual tlahtoli noihtok welika kipias imapa tekitl iwa maxtilis kenik kineki yen ixtlamatikal motekitis ihko welis mochiwaske iwa kenik kualli moskaltoris tekitl ik amo owihtitok iwa ika ixtlamatilis.

Ye tlaka o ziwa tlayekanki in ixtlamatikal welis tlanahuatis:

- I. Kiyeheyekos, moyektlalis kenik mololoske, kenik tlayekanas, kenik kiwikas iwa kenik teki tlamachiwas kuali tekipanos ixtlamatikal kichiwas kualli tekipanoli tlan omoihto kenik ye kimati kichiwas iwa tlan kitowa ye intlanahuatil.
- II. Kichiwas iwa mo pias se kuali wikilistli ika welkakilistli,

Iwa mosepan chiwas iwa mopalewiske ika yewa masehual altepeme iwa tlilmexikame nin tlalpa, motlalis tlapowalis nochitla tlatlaman mochihualo iwa inexkayo kenik se omoka kualli mochihuas;

- III. Molnamikis iwa motemakas nochi san tlen amo mochihualo iwa amame in ika welkaki kenik kineki ixtlamatkal.
- IV. Mopialis iwa mochiwas ipan se yetos, kualli motamachitias tlani onka, san tlehtlenamo iwa tlaxtlahuilis, noihtok yewa kitlatlania inexkoya, maski moihtos okaka ipan ka, monekis ni naguatiло ye tekiwa tekipanotlakame.

- V. Motemacas, mopatlas iwa moyekwicas chikawaliske sentetl iwa san pepenalne ikan ni tekinawatil yen okin makake noiktok yewan kinekiske tlanahuatili o ye ika amatl pehpenali.
- VI. Moteixpantiske iwa monotzaskе ihkuak monekis, mi amanotzaske, noihtok amo huey tlanahuatikame ompa kate, kintlapohpolwiske amo kin temaske tla itla amo fiero okichihke;
- VII. Noihtok mopalewiske amo kintoniske;
- VIII. Kichiwaske tlapatlali yejon tekitl kani motelwia iwa kualli moyekawaske.
- IX. Kihtos tlani mochiwas ipan itekio, yewa nekilisme in tlapatlali yen ama tlanahuatilo, tlanahuatilme, tlanahuatil itech okiske, tlani mochiwas, kenik omokahke, kititlanis tlahtol tlanahuatilme, kitemakaske huey tekiwa mexkotlalkoto;
- X. Welika mochiwaske tlani ik omokahke ye ololilis tekiome.
- XI. Kinextiliske yewa tekiwakame tlan kiyeyekowa masehual ololilis tlakame ye tlanahuati mexkotlalkoto.
- XII. Momatis kech tomi kinehnekis ixtlamatikal kenik kitowa tlahtol tlanahuati, noihtok mochikawas sen axtopa tekitlayehyekoli ye kech tomi monehnekis.
- XIII. Mochiwas iwa monextis yen intlanahuatil tlen san yewa kipia, ihko kihtoske kualli ka tlen tekiwakame, kiyekmatiske kenik tekichiwaske iwa in tlanahuatil kipia tlen kimatoke tlan tekitl mochiwas, noihtok tla itla mopatlas iwa motemakaske ama tlahtolme ye kenik kate, in tlapalewilis imak ye kal ixtlamatilo, iwa
- XIV. Yewa okinmakake intlanahuatilo kenik tekipanoske kichiwaske iwa oksekime itech kate in tlanahuatilo, kinkawilia ololis tekiwa tlakam.

Ye ixtlamatikal kipias se ololilis tlaka mexkotlalkoto in ipa masehual altepeme kampa kampa yetoske:

- I. Matlaktli iwa se tlakatlayekanke in okintlallike masehual altepeme iwa tlilmexikame. Ihko kualli mochihuas tlayehyekolis ninme altepeme kimitaske iwa kinseliske inexkoya ye inahuak mosentlalia, kimathoske in tlakzonyo iwa nochti kimathoske altepechanehke masehual tlahtol mueso, wewehkan kate iwa miekti o ye amo tlakame, noihtok moxitinis inyehyekolis yewa masehual ziwame.
- II. Ome in tlaka tlayekanke yewa ixtlamatikalme miek tlamantli kimat iwa tlachiatilistli imapa in tekiw masehualme.

- III. Ome tlaka tlayekanke inin ololisme masehualme yewa tekipanoske ik imaxka iwa ik moskaltlis yewa masehual altepeme iwa tlilmexikame, iwa
- IV. Akin kinyekanas ye ololilis tlakame tlen masehual altepeme kate ompa mochihuado tlakame tlen mexkotlalkoto.

Nochti kate ken kitowa yen tekixexeloli se kitokayotiske kenin kitowa ama tlanahuatilme yen kikixtis tlakatekipanolme yen tlanahuatikal.

Welika kualli mochihuas okitlalihke makin yekana.

Yewan nestoke itech amayeloli ome iwa eyi kintokayotiske kenik nestoske itech amatlanahuatil yen kikixtis ye tekiwa tlakame, okachi kualli ika amatlatonotzani.

Yen mexkotlalkoto ololilis tlakame masehual altepeme kahki ompa kal ixtlamatilo kualli kihtas kitemakas tlayehyekoli inpa ye tekiwatlakame iwa ye tlakatlayekanke o ye ziwatlayekanki ipa noch mochiwalo iwa altepetekitl ihko moyeckakis inextilis iwa kinchiwiliske nin nimiaxkayo iwa in moskaltlis masehual altepeme. Ye ololilis tlaka tekiwakame mexkotlalkoto kin nohnotzas motlapowiske eheyi metzli iwa kinyekanas se masehual tlakayekanki okipehpenke itech se ololilis okichihke yewa ololis tlakame.

Ye ixtlamatikal ikal tekipanol kanin yetoske yewa akinme ompa tekipanoske inahuak tlakachanehke kemin tlanahuatil kihtohtok nin moskaltlis noch mexkotlalkoto kuetlaxkoapa, ihko mothaske nochti in tlatlaman mochihuado yewa masehual altepeme iwa tlilmexikame.

Sehse kal tekipanol ixtlamatikal kipiaske se ololilis tlakame yetoske mieke masehual altepeme iwa kalpowalme, ompa kitaske, motlatoltiske iwa mochiwas.

Tlayehyekolis ipan tlaka chanehke tlanin mochiwas iwa kenihi chane sentetl, ik momatis ok ye motlaliske yewa axkayo iwa in moskaltlis.

Ixca ixtlamatikal mololos ika:

- I. Tlan kitemakaske, kanin kisas yejo kitemakaske akin makopas tlapalewilis kitemakaske tlapalpan tekiwa sentetl, mexkotlalkoto iwa huey altepetl;
- II. Tlani kitemakaske iwa okitla tetliokolihke san kenomi kitemaka sekima tlakame iwa siwame, o ye tekiwame in mela altepechane o ye sehse o tlalpansentetl o ye ne sentlapalatl chane, noiktok ye kiselia imak ye tomi ololo nestos kenik tomi teololo temaka;

- III. Nochti tlapechti iwa kalme iwa tlalme yen konanas kualli ik kichiwas itekiw;
- IV. Yen kitlanis iwa ni conejo xitinilis, inteyotilis in titlanetilis, iwa nochti tlani onka axkayo iwa nochti tlani o no ololo melahka, iwa
- V. Ye omololo okiski ik itla omotlaneti imak kahki noihko omokahke, mochiwas mowikaske kenihki melahka nestok mochiwas.

Yen nochti tlapechme iwa kalme iwa tlalme yetoske iwa imak yeske ye imaxka yewa ololisme, moyektlaliske yewa nimiaxkan altepechanhke iwa ino, amo welis aka kin kixtilis, maski motewkilis, amo motemakas ik okaka kitlatis iwa amo mo tlamotlaske.

Yen ixtlamatikal kualli kiwikas ni tlatamachiwal yen tlani onka iwa welis kichiwas tlan ye kineki ika no axkayo, ihko kualli kichiwas tlani omotekiwiti amo kitlakowa tlani melahka nestok kitekichiwaske yewa amo tlahko kate ololisme.

Yen kualli wikilis ipan tekitl yewa ololisme iwa intekipanohke tekipanoske kenik okimilwike.

Ye kistlakohtos kosh kualli tekichihtok yen ixtlamatikal, kichiwaske tlaka pepenalne kintlalis kal tlanahuatikatl ye altepechane tekitl, yen kipias imak tlani kichiwas san ken nestok itech tlanahuati yen kipia ipati mexkotlalkoto kuetlaxkoapa iwa san tlani nochti welis mochikahuas.

<b>FICHA TÉCNICA DE LA TRADUCCIÓN</b>	
Lengua	Náhuatl
Variante lingüística	Tehuacán Valle y Sierra Negra
Estado	Puebla
Alfabeto utilizado en la traducción	Latín (a, ch, e, h, i, k, kw, l, m, n, o, p, s, t, u, tl, ts, w, x, y, z)
Título del documento traducido	SINTESIS_LEY DESARROLLO PUEBLOS INDIGENAS
Fecha	05 de abril 2023
Nombre del traductor (a)	Amador Montalvo Téllez
Comunidad de origen del traductor (a)	Coyolopa, Zoquitlán, Puebla
Observaciones	<p>Debido a que la lengua náhuatl tiene muchas variantes lingüísticas, fue complicado traducir algunas palabras que son muy técnicas, sin embargo, se buscó la manera de traducir de acuerdo con las variantes de sierra negra y valle de Tehuacán para mayor entendimiento.</p> <p>Al mismo tiempo también hubo palabras que no se pudieron traducir para lograr una mejor comprensión en los receptores, las cuales resaltan entre comillas y cursiva: “<i>totonacas</i>” o “<i>totonacuj</i>”, “<i>mixtecas</i>”, “<i>ñuu savi</i>”, “<i>tepehuas</i>”, “<i>otomíes</i>”, “<i>popolocas</i>”, “<i>n'guiva</i>”, “<i>masatecas</i>”, “<i>ha shuta enima</i>”</p> <p>En cuestión a los números romanos que no fueron traducidos; se empleo de esa manera para llevar una mejor frecuencia de punto a punto y no generar confusión.</p>
Número de cuartillas traducidas	17 cuartillas